

吳

興

藝

文

補

吳興藝文補卷之四十二目錄

詩

宋

沈慶之

見前

侍宴詩

沈攸之

見前

西鳥夜飛

王儉

贈徐孝嗣

二首。○時孝嗣出爲吳興

齊

謝朓

和沈祭酒行園

在郡臥病

呈沈尚書

范雲

送沈記室夜別

贈范左衛

祭

簡文帝

夜夜曲二首

擬沈隱侯

沈約

八詠詩

登臺望秋月

會圃臨春風

歲暮愍衰草

霜來悲落桐

夕行聞夜鶴

晨征聽曉鷓

解佩去朝市

被褐守東山

山園

八關齋

秋晨羈怨望海思歸

沈旋

見前

詠螢

沈趨

約子旋弟

詠雀

詠霧

吳均 見前

行路難五首

與柳惲相贈答六首 柳惲郡守

答柳惲

同柳吳興何山集送劉餘杭 何山在烏程

同柳吳興毗山集 闕文

山中雜詩三首

柳惲

贈吳均三首

周興嗣

答吳均三首

江淹

冬盡難離和丘長史

名遜

丘遲

見前

九日侍宴樂遊苑

侍宴樂遊苑送張徐州應詔詩

旦發漁浦潭

夜發密巖口

敬酬柳僕射征怨

答徐侍中爲人贈婦

贈何郎

芳樹

望雪

玉階春草

沈君攸

吳興人

採桑

採蓮曲

薄暮動絃歌

羽觴飛上苑

桂楫泛湖中

雙鷺離

賦得臨水

同陸廷尉驚早蟬

夜出妓

詠水應教

紀少瑜

擬吳均體 應教

包明月

前溪歌

前溪出武康銅峴山繞縣治之前歌始晉沈充後人擬之

吳興妓童

贈謝府君

後周

沈警

見前

贈張神女

離歌

張女郎

贈沈警歌

贈沈警鏡

小女郎

贈沈警歌

贈沈警金縷合歡結歌

別後篇

湘妃廟女

贈沈警

太湖魚頭上朱書

陳

後主

見前

玉樹後庭花

烏棲曲三首

立春日汎舟玄圃各賦一字六韻成篇

七夕宴宣猷堂各賦一韻詠五物自足爲十并并

女一首五韻物次第用得帳屏風案唾壺履

七夕宴樂修殿各賦六韻

七夕宴玄圃各賦五韻

聽箏

小牕詩

寄碧玉詩

戲贈沈后

沈后

見前

答後主

新蔡王叔齊

宣帝第十一子

甘露降樂遊苑獻詩

陳文帝女

遺陳子高團扇詩

陳太廟舞辭

沈炯

長安少年行

獨酌謠

離合詩贈江藻

隋

沈君道

吳興人光父

侍皇太子宴應令

姚察

賦得笛

遊明慶寺悵然懷古

吳興藝文補卷之四十二目錄

終

吳興藝文補卷之四十二

烏程董斯張遐周彙編

閔元衢康侯叅輯

端昌箕仲弓增定

詩

宋

侍宴詩

沈慶之

微生遇多幸得逢特運昌朽老筋力盡徒步還南岡辭
榮此聖世何愧張子房

西鳥夜飛

五曲

沈攸之

日從東方出團團雞子黃夫婦恩情重憐歡故在傍
整請半日給徒倚娘店前目作宴瑱飽腹作宛惱

一作腦

饑

我昨憶歡時攬刀持自刺自刺分應死刀作雜

一作樓

僻

陽春二三月諸花盡芳盛持底喚歡來花笑鶯歌詠
感即崎嶇情不復自顧慮臂繩雙入結遂成同心去

贈徐孝嗣

二首時孝嗣出爲吳興

王儉

婉婉遊龍載遊載東靡靡行雲並躍齊蹤無類不感有

來斯雍之子云邁嗟我莫從歲云暮止迷職戒行崇蘭
罷秀孤松獨貞悲風宵遠乘雁晨征撫物遐想念別書
情

方執叔茂追清彥輔柔亦不如剛亦不吐

齊

和沈祭酒行園

謝朓

清淮左長薄荒徑隱高蓬
回潮旦夕上寒渠左右通
霜畦紛綺錯秋町鬱蒙茸
環梨縣已紫珠榴折且紅
君有棲心地伊我歡旣同
何用甘泉側玉樹望青葱

在郡卧病

呈沈尚書

謝朓

淮揚股肱守高卧猶在茲
况復南山曲何異幽棲時
連陰盛農節臺竝聚東菑
高閣常晝掩荒堦少諍辭
珍簟清夏室輕扇動涼颼
嘉魴聊可薦綠蟻方獨持
夏李沈

朱實秋藕折輕絲良辰竟何許夙昔夢佳期坐嘯徒可
積爲那歲已暮弦歌終莫取撫机令自嗤

送沈記室夜別

范雲

桂水澄夜氣桂山清曉雲秋風兩鄉怨秋月千里分寒
芝寧共採霜猿行獨聞捫蘿勿遺我折桂方思君

贈沈左衛

范雲

伊昔霑嘉惠出入承明宮遊息萬年下經過九龍中越
鳥憎北樹胡馬畏南風願言反漁菴津梁肯昔一作見通

梁

夜夜曲二首 擬沈隱侯

簡文帝

靄靄夜中霜
河開向曉光
枕啼常帶粉
身眠不著牀
蘭膏盡更益
薰爐滅復香
但問愁多少
便知夜短長

愁人夜獨傷
滅燭卧蘭房
祗恐多情月
旋來照妾牀

八詠詩

沈約

登臺望秋月

望秋月
秋月光如練
照曜三爵臺
徘徊九華殿
九華玳瑁梁
華棖與璧璫
以茲雕麗色
持照明月光
凝華入黼

帳清輝懸洞房先過飛燕戶却映班姬牀桂宮裊裊落
桂枝早寒淒淒凝白露上林晚葉颯颯鳴雁門早鴻離
離度湛秀質兮似規委清光兮如素照愁軒之蓬髮影
余階之輕步居人臨此笑以歌別客對之傷且暮經衰
圃映寒叢凝清夜帶秋風隨庭雪以借素與池荷而共
紅臨玉階之皎皎含霜靄之濛濛彌天衢而徒度轢長
漢而飛空隱巖崖而半出隔帷幌而總通散朱庭之奕
奕入青瑣而玲瓏寒階悲寡鶴沙洲怨別鴻文姬泣胡
殿昭君思漢宮余亦何爲者淹留此山東

會圃臨春風

臨春風春風起春樹游絲暖如網落花柔似霧先泛天
淵池還過細柳枝蝶逢飛搖颺燕值羽差池揚桂旒動
芝葢開燕裾吹趙帶趙帶飛參差燕裾合且離迴簪復
轉黛顧步惜容儀容儀已炤灼春風復迴薄氛氲桃李
花青跗含素萼旣爲風所開復爲風所落搖綠蒂抗紫
莖舞春雪襍流鶯曲房開兮金鋪響金鋪響兮妾思驚
梧臺未陰淇川始碧迎行雨於高唐送歸鴻於碣石經
滄房響紈扇感幽閨思帷帟想芳園兮可以游念蘭翹

兮漸堪摘拂明鏡之冬塵解羅衣之秋裳既鏗鏘于動
佩又細縵而流射始搖蕩以入閨終徘徊而緣隙鳴珠
簾於繡戶散芳塵於綺席是時悵思歸安能久行役佳
人不在茲春風誰爲惜

歲暮愍衰草

愍衰草衰草無容色憔悴荒逕中寒萋不可識昔時今
春日昔日兮春風銜花兮佩實垂綠兮散紅氛氲鳩鵲
右照耀望仙東送歸顧慕泣淇水嘉客淹留懷上宮巖
阪兮海岸冰多兮霰積爛熳兮巖根攢幽兮石隙布綿

密於寒臯吐纖踈於危石旣惆悵於君子倍傷心於行
役露縞枝於初旦霜紅天於始夕彫芳卉之九衢實靈
茅之三脊風急嶠道難秋至客衣單旣傷簷下菊復悲
池上蘭飄落逐風盡方知歲早寒流螢暗明燭雁聲斷
繼續委絕長信宮燕穢丹墀曲霜奪莖上紫風銷葉中
綠山變兮青薇水折兮黃葦秋鴻兮踈引寒鳥兮聚飛
徑荒寒草合桐長舊巖圍園庭漸蕪沒霜露日霑衣願
遂晨征馬薄暮共西歸

霜來悲落桐

悲落桐落桐早霜露燕至葉未抽鴻來枝已素本出龍
門山長枝仰刺天上峯百丈絕下趾萬尋懸幽根未蟠
結孤株復危絕初不照光景終年負霜雪自顧無羽儀
不願生曲池芬芳本自乏華實無所施公子特留盼王
孫少見知分取孤生枿徙置北堂陲宿莖抽晚榦新葉
生故枝故枝雖遼遠新葉頗離離春風一朝至榮華坐
如斯自惟良菲薄君恩徒照灼顧已非嘉樹空用憑阿
閣願作清廟琴爲君舞玄鶴薜荔可爲裳文杏堪作梁
勿言草木賤徒照君末光末光不徒照爲君含噉眺陽

柯淥水絃陰枝苦寒調厚德非所任敢不虛其心若逢
陽春至吐綠照清潯

夕行聞夜鶴

聞夜鶴夜鶴叫南池對此孤明月臨風振羽儀伊吾人
之菲薄無賦命之天爵抱跼促之短懷隨冬春而哀樂
愍海上之驚鳧傷雲間之離鶴離鶴昔未離迴發天北
垂忽遇疾風起暫下昆明池復畏冬冰合水宿非所宜
欲棲不可住欲去飛已疲勢逐疾風舉求溫向衡楚復
值南飛鴻參差共成侶海上多雲霧蒼茫失洲嶼自此

別故群獨向瀟湘渚故群不離散相依江海畔夜止羽
相切晝飛影相亂刷羽共浮沉湛澹泛清潄旣不經離
別安知慕侶心九冬負霜雪六翩飛不任且養凌雲翅
俛仰弄清音所望浮丘子旦夕來相尋

晨征聽曉鴻

聽曉鴻曉鴻度將旦跨弱水之微瀾發成山之遠岸怵
春歸之未幾傷此歲之云半出海漲之蒼茫入雲途之
瀾漫無東西之可辨孰遐邇之能算微昔見于洲渚赴
秋期于江漢集勁風於弱軀負重雪于輕翰寒溪可以

飲荒臯可以竄溪水徒自清微容豈足翫秋蓬飛今未
極塞草寒兮無色吳山高兮高難度越水深兮深不可
測羨明月之馳光顧征禽之駛翼伊余馬之屢懷知君
行之未極夜綿綿而難曉愁參差而盈臆望山川悉無
似唯星河猶可識孤雁夜南飛客淚夜沾衣春鴻旦暮
逐客子方未歸歲去歡娛盡年來容貌衰攬衽形雖是
撫臆事多違青綯雖長復易解白雲誠遠詎難依

解佩去朝市

去朝市朝市深歸暮辭北纓而南徂浮東川而西顧逢

天地之降祥值日月之重光伊吾行之未已非余情之
信芳克待詔於金馬奉高宴於栢梁觀閭獸於虎園望
窈窕於披香游西園兮登銅雀攀青瑣兮眺重陽講金
華兮議宣室晝武帳兮夕文昌佩甘泉兮履五柞簪粉
楫兮灑承光託後車兮侍華幄游渤海兮泛清漳天道
有盈缺寒暑遞炎涼一朝賈玉益眷眷惜餘香曲池無
復處桂枝亦銷亡清廟徒肅肅西陵久茫茫薄暮余多
幸嘉運重來昌豸稽郡之南尉典千里之光貴別北芒
於濁河戀橫橋於清渭望前軒之早桐對南階之初卉

唯余情之屢傷豈茲焉之能慰春昔日今懷哉歲將暮
兮歸去來

被褐守山東

守山東山東萬嶺鬱青葱兩溪共一瀉水潔望如空岸
側青莎被巖間丹桂叢上瞻既隱軫下睇亦溟濛遠林
響咆獸近樹聒鳴蟲路出若溪右澗吐金華東萬仞倒
危石百丈注懸淙掣曳瀉流電奔飛似白虹洞井含清
氣漏穴吐飛風玉竇膏滴瀝石乳室空籠峭崿塗彌險
巖阻步纏通余捨平生之所愛歎慕年之此逢欲一去

而不還悵鄒衣之未禡揖林壑之清曠事氓俗之紛詭
幸帝德之方升值天網之未毀旣除舊而就新故化民
而俗徙播趙俗以南徂扇齊風以東靡乳雉方可馴流
蝗底能弭清心矯世濁儉政救民侈秩滿撫白雲滌器
事芝髓

山園

沈約

寒瓜方卧壠秋菰亦滿陂紫茄紛爛熳綠芋鬱參差初
菘向堪把時韭日離離高梨有繁實何減萬年枝荒渠
集野雁安用昆明池

八關齋

沈約

因戒倦輪飄習障從塵染四衢道難闢八正扉猶掩得
理未易期失路方知險迷塗旣已復豁悟非無漸

秋晨羈怨望海思歸

沈約

分空臨澥霧披遠望滄流入桂駿如畫三桑眇若浮烟
極希丹水月遠望青丘

詠螢

沈旋

火中變腐草明滅靡恒調雨墜弗虧光陽昇反奪照泊
樹類奔星集草疑餘燎望之如可灼攬之徒有耀

詠雀

沈趨

體類詩
作肌

薄少滋腴色淺非丹翠不懼越王羞寧懷秦后

珥傍簷葺寒草循場啄餘穗且欣大厦成焉須鴻鵠志

詠霧

沈趨

窈鬱蔽園林依霏被軒牖睇有始疑空瞻空復如有遊
蛇隱遙漢文豹棲南阜旣殊三五輝遠望徒延首

行路難五首

吳均

洞庭水上一株桐經霜觸浪困嚴風昔時抽心耀白日
今旦卧死黃沙中洛陽名工見咨嗟一剪一刻作琵琶

白璧規心學明月珊瑚映面作風花帝王見賞不見忘
提攜把握登建章掩抑摧藏張女彈殷勤促柱楚明光
年年月月對君子遙遙夜夜宿未央未央綵女棄鳴篴
爭先拂拭生光儀茱萸錦衣玉作匣安念昔日枯樹枝
不學衡山南嶺桂至今千載猶未知

青瑣門外安石榴連枝接葉夾御溝金墉城西合歡樹
番條照彩拂鳳樓遊俠少年遊上路傾心顛倒相戀慕
塵頂至足買片言開胸瀝膽取一顧自言家在趙邯鄲
翩翩舌杪復劍端青驪白駁的盧馬金羈綠鞵紫絲盤

蹊蹠橫行不肯進夜夜汗血至長安長安城中諸貴臣
爭貴儒者席上珍復聞梁王好學問輕棄劍客如埃塵
吾丘壽王始得意司馬相如適被申大才大辯尚如此
何況我輩輕薄人

君不見西陵田縱橫十字成陌阡君不見東郊道荒涼
蕭瑟起寒煙盡是昔日帝王處歌姬舞女達天曙今日
開妍少年子不知華盛落前去吐心吐氣許他人今日
迴惑生猶豫山中桂樹自有枝心中方寸自相知何言
歲月忽若馳君之情意與我離還君玳瑁金雀釵不忍

見此使心危

君不見長安客舍門
倡家少女名桃根
貧窮夜紡無燈燭
何言一朝奉至尊
至尊離宮百餘處
千門萬戶不知曙
唯聞啞啞城上烏
玉欄金井牽轆轤
丹梁翠柱飛流蘇
香薪桂火炊雕胡

一作彫菰

當年翻覆無常定
薄命爲女何必麤

君不見上林苑中客
冰羅霧縠象牙席
盡是得意忘言者
探腸見膽無所惜
白酒甜鹽甘如乳
綠觴皎鏡華如碧
少年持名不肯嘗
安知白駒應過隙
博山鑪中百和

香鬱金蘇合及都梁
逶迤好氣佳容貌
經過青瑣歷紫房
已入中山馮

玉臺作陰

后帳復上皇帝班
姬休班姬失寵

顏不開奉帚供養長
信臺日暮耿耿不能寐
秋風切切四面來
玉階行路生細草
金鑪香炭變成灰
得意失意須臾頃

一作

非君方寸逆所裁

與柳惲相贈答六首

吳均

黃鸝飛上苑
綠芷出汀洲
日映昆明水
春生鵲樓飄
颺白花舞
瀾漫紫萍流
書織迴文錦
無因寄隴頭
思君甚瓊樹
不見方離憂

鳴鞭適太阿，聯翩渡漳河。
燕姬及趙女，挾瑟夜經過。
織腰曳廣袖，半額畫長蛾。
客本倦遊者，箕帚在江沱。
故人不可棄，新知空復何。

離居苦無樂，回慕心悽悽。
要途訪趙使，聞君仕執珪。
杜蘅色已發，菖蒲葉未齊。
幕屋蠶餌蠶，差池燕吐泥。
願逐東風去，飄蕩至遼西。

白日隱城樓，勁風掃寒水。
離枕隔東西，執手異涼燠。
相思咽不言，洞房清且肅。
歲去甚流烟，年來如轉軸。
別鶴千里飛，孤雌夜未宿。

閒房肅已靜，落月有餘輝。寒蛩隱壁思，秋蛾繞燭飛。絕
雲斷更合，離禽去復歸。佳人今何在，迢遞江之沂。一爲
別鶴美，千里淚沾衣。

秋雲靜，晚天寒。夜方綿綿，聞君吹急管。相思雜采蓮，別
離未幾日。高月三成弦，蹀躞黃河浪。嘶唱隴頭絃，寄君
薜蘿葉，掉著叢臺邊。

答柳惲

吳均

清晨發隴西，日暮飛狐谷。秋月照層嶺，寒風掃高木。霧
露夜侵衣，關山曉催軸。君去欲何之，參差聞原陸。一見

終無綠懷悲空滿目

同柳吳興何山集送劉餘杭

吳均

王孫重離別置酒峯之畿
逶迤川上草參差澗裏薇
輕雲紉遠岫細雨沐單衣
簷端水禽息窓上野螢飛
君隨綠波遠我逐清風歸

同柳吳興毗山集

闕文

吳均

平湖曠復遠高木峻而危

山中禱詩三首

一作還山

吳均

山際見來烟竹中窺落日鳥向簷上飛
雲從牕裏出

綠竹可充食，女蘿可代裙。山中自有宅，桂樹籠青雲。
具區窮地險，嵇山萬里餘。奈何梁隱士，一去無還書。

贈吳垓三首

柳惲

遠遊濟伊洛，秣馬度清漳。邯鄲饒

一作有

美女艷色含春

鼓瑟未成曲，踏屣

一作屣

復翔翔。我本遊客子，情愛在

淮陽。新知誰不樂，念舊苦人腸。

夕宿飛狐關，晨登磧磔坂。形爲戎馬倦，思逐征旗遠。邊
城秋霰來，寒鄉春風晚。始信隴雪輕，漸覺寒雲卷。徭役
命所當，念子加餐飯。

秋風度關隴楚客奏歸音
颯颯避霜葉離離出山一作塞

禽

答吳均三首

周興嗣

明燈照暗室邊韶對趙壹
但酌中山酒唯甘江浦橘
風動雲入箕雨至月離畢
王丹贈不拜是我相知日

驚兒起北海儀鳳飛上林
鴛鴦低不同翼歡楚亦殊音
曉夕雲起落落曉星沈
李陵報蘇武但令知妾心

昔別襄城村同會長安市
誰學萊蕪醜本得王喬履
前養素鶴池中飴赤鯉
一往玉壺上兼復見蕭史

冬盡難離和丘長史

江淹

閑居深悵悵颶寒拂中閨寶禮自千里
縑書爲君題山川吐幽雲景物抱長懷
茲別亦爲遠潮瀾鬱東西汀阜日慘色
桂闌猿方啼擘意誰侘條屑涕在心
幸杜蘅念無涿石蘭終不睽異摠歲暮
駕遊行蒼山蹊

九日侍宴樂遊苑

丘遲

朱明已謝蓐收司禮爰理秋祓備揚旌
祭奉璋峩峩金貂濟濟上林弘敞離宮
非一綵殿迴風丹樓映日隨珠甲帳屯
衛周悉睟容徐動天儀澄證雲物游颺
光景高

鹿枯葉木落寒花委砌綠桐激舞楚雅間慧參差繁響
殷勤流詣

侍宴樂遊苑送張徐州應詔詩

沈約同賦

丘遲

詰旦闐闐開馳道聞鳳吹輕蕤承玉輦細草籍龍騎風
遲山尚響雨息雲猶積巢空初鳥飛荇亂新魚戲寔爲
北門重匪親孰爲寄參差別念舉肅穆恩波被小臣信
多幸捐生豈酬義

且發漁浦潭

丘遲

漁潭霧未開赤亭風已颺擢歌發中流鳴鞞響沓障

一作

嶂

村童忽相聚野老時一望詭恠石異象嶄絕峯殊狀
森森荒樹齊析析寒沙漲藤垂島易陟崖傾嶼難傍信
是永幽棲豈徒暫清曠坐嘯昔有委卧治今可尚

夜發密巖口

丘遲

引棹總假寐擊汰已爭先敞朗朝霞徹驚明曉魄懸萬
仰危石百丈窺重泉叢枝上點點崩溜下填填

敬酬柳僕射征怨

丘遲

清歌自信妍雅舞空僊僊耳中解明月頭上帶金鈿雀
飛且近遠暮入綺窓前魚戲雖南北終還荷葉邊惟見

君行久新年非故年

答徐侍中爲人贈婦

丘遲

丈夫吐然諾受命本遺家
糟糠且棄置蓬首亂如麻
側聞洛陽客金蓋翼高車
謁帝時來下光景不可奢
幽房一洞啓二人盡芳華
羅裙有長短翠鬢無低斜
長眉橫玉臉皓腕卷輕紗
俱看依井蝶共取落簷花
何言征戍昔抱膝空咨嗟

贈何郎

遜

丘遲

向夕秋風起野馬雜塵埃
憂至猶如繞詎是故人來
檐

際落黃葉堦前網綠苔遙情不入酒望美信難哉

芳樹

丘遲

芳葉已漠漠嘉賓復離離發景傍雲屋凝暉覆華池輕
蜂撥浮穎弱鳥隱深枝一朝容色茂千春長不移

望雪

丘遲

氛氳發紫漢雜沓被朱城倏忽銀臺構俄頃玉樹生綿
綿九軌合昭昭四區明

闕

玉堦春草

丘遲

發溜始參差扶堦方沃若雜葉半藏蜻叢花未隱雀藏

蕤亂碧紫蒼黃間濃薄

闕

採桑

沈君攸

南陌落花移蠶妾畏桑萎逐便牽低葉爭多避小枝摘
駛籠行滿攀高腕欲疲看金怯舉意求心自可知

採蓮曲

沈君攸

平川映晚霞蓮舟泛浪華衣香隨岸遠荷影向流斜度
手牽長柄轉機避踈花還船不畏滿歸路詎嫌賒

薄暮動絃歌

沈君攸

柳谷向夕沉餘日蕙樓臨砌徙斜光金戶半入藁林影

蘭徑時移落藥香
絲繩玉壺傳綺席
秦箏趙瑟響高堂
舞裙拂履喧珠珮
歌響出扇繞塵梁
雲邊雪飛絃柱促
留賓但須羅袖長
日暮歌鐘恒不倦
處處行樂爲時康

羽觴飛上苑

沈君攸

上路薄晚風塵合
禁苑初春氣色華
石徑斷絲闌蔓草
山流細沫擁浮花

外編
作樣

魚文熠燿含餘日
鶴蓋低昂照

落霞隔樹銀鞍喧
寶馬分衢玉軸動
香車車馬處處盡
仄陰班荆促席對
芳林藤杯屢動情
仍暢翠樽引瀉趣
彌深山陽倒載非
難得宜城醇醞促
須斟半醉驪歌應

可奏上客莫慮擲黃金

桂檝泛河中

沈君攸

黃河曲注通千里濁水分流引入川仙查逐源終未極

蘇亭

一作
吳帝

遺跡上難遷耿耿雲根侵遠樹蒼蒼水氣合

遙天波影雜霞無定色湍文觸岸不成圓赤馬青龍一作

騶騶交出浦飛雲蓋海遠凌烟蓮舟渡沙轉不礙桂檝距

浪弱難前風急金鳥翅自轉汀長錦纜影微懸榜人欲

歌先扣柁津吏猶醉強持船河堤極望奈此行杯落

葉詎虛傳

雙鸞離

沈君攸

雙鸞雙飛雙情相思容色已改故心不衰雙入幕雙出
帷秋風去春風歸幕上危雙鸞離銜羽一別涕泗垂夜
夜孤飛誰相知左迴右顧還相慕翩翩桂水不忍渡懸
目掛心思越路縈鬱摧折意不泄願作鏡鸞相對絕

一作

孤鸞鏡
中絕

賦得臨水

沈君攸

開筵臨桂水攜手望桃源花落圓文出風急細流翻光
浮動岸影浪息累沙痕滄波自可悅濯纓何用論

同陸廷尉驚早蟬

沈君攸

日暮野風生林蟬候節鳴望枝疑數處尋空定一聲地
幽吟不斷葉動噪群驚獨有河陽令偏嫌秋翅輕

夜出妓

沈君攸

簾間月色度燭定妓成行迴身釧玉動頓履珮珠鳴低
衫拂鬢影舉扇起歌聲匣中曲猶奏掌上體應輕

詠水應教

沈君攸

日華照水彩灼爍自相明陰潭欲半解陽岸已全輕未
釋苔文隱將銷草氣生稍得觀魚上非獨見狐驚儻逢

魏后術當驗可爲城

擬吳均體 應教

紀少瑜

庭樹發春輝遊人競下機却匣擎歌扇開箱擇舞衣
桑妾不復惜看花遠將夕自有專城居空持迷上客

前溪歌

包明月

當時與未曙百鳥鳴前窻獨眠抱被嘆憶我懷中儂
卑情何時雙

贈謝府君

吳興妓童

玉釵空中墮金鈿行處歇獨泣詠春風長夜孤明月

後周

贈張神女

沈警

義起曾歷許多年張碩凡得幾時憐何意今人不如昔
誓來相見更無緣

離歌

沈警

直值行人心不平那宜萬里阻閨情只今隴上分流水
更泛從來嗚咽聲

贈沈警歌

張女郎

人神相合兮後會難邂逅相遇兮誓爲歡星漢移兮夜

詩三十一
卷四十二
三
將闌心未極兮且盤桓

贈沈警鏡

張女郎

憶昔窺寶鏡相望看明月彼此俱照人莫令光影絕

贈沈警歌

小女郎

洞簫響兮風生流清夜闌兮管弦道長相思兮衡山曲
心斷絕兮秦隴頭

贈沈警金縷合歡結歌

小女郎

心纏萬結縷結縷幾千回結怨無窮極結心終不開

別後篇

小女郎

飛牋報沈郎尋已到衡陽各存金石契風月兩相望

贈沈警

湘妃廟女

渺渺三湘萬里程淚篁幽石助芳貞孤雲目斷蒼梧野
不得攀龍到玉京

碧杜紅蕸縹緲香水絲彈月夢清涼峯巒一一俱相似
幾處堪疑百斷腸

玉輦金根去不回湘川秋晚楚絃哀自從泣盡江籬血
夜夜愁風怨雨來

少將風月怨平湖見盡扶桑水到枯相約杏花壇上去

畫欄紅子闌檣蒲

太湖魚頭上朱書

九登龍門山三飲洞庭水畢竟不成龍命負張胡子

陳

玉樹後庭花

後主

麗宇芳林對高閣
新粧艷質本傾城
映戶凝嬌乍不進
出帷含態笑相迎
妖姬臉似花含露
玉樹流光照後庭

烏棲曲三首

後主

陌頭新花歷亂生
葉裏啼鳥送春情
長安游俠無數伴
白馬驪珂路中滿

金鞍向暝欲相連
玉面俱要來帳前
含態眼語懸相解

蟹音

翠帶羅裙人爲解

合歡襦薰百和香牀中被織兩鴛鴦烏啼漢沒天應曙
只持懷抱送卽去

立春日汎舟玄圃各賦一字六韻成篇

座有張式
陸壘願對

王謝仲裕玠王瓊傳
締陸瑜姚察等九人

後主

春光反禁苑暖日暖源桃霄煙近漠漠暗浪遠滔滔石
苔侵綠蘚岸草發青袍迴歌逐轉機浮水隨度刀遙看
柳色嫩迴望鳥飛高自得欣爲樂忘意若臨濠

七夕宴宣猷堂各賦一韻詠五物自足爲十并牛

女一首五韻物次第用得帳屏風案噲壺履

座
右

陸瓊傳續陸瑜

姚察等四人

後主

錦作明玳牀黼垂光粉壁帶日芙蓉照因吹芳芬芬

帳

織成如續采琉璃畏風擊秦宮得絕超漢座殊斑敵

屏風

已羅七俎滿兼逢百品易張陳答贈言梁室齊眉席

素

蘊仙此還異掌漏翻非役侍臣乃執捧良賓乃投擲

唾壺

賢舍觀穴踵瓜田覩躡迹矩步今有儀用此前嘉客

履

七夕宴樂修殿各賦六韻

座有張式陸瓊謝玠王瓊傅縡陸瑜姚察七人

後主

秋初芰荷殿寶帳芙蓉開玉笛隨弦上金鈿逐照迴釵

光搖玳瑁柱色輕玫瑰笑靨人前歛衣香動處來非同
七裏鴛鴦隔一春梅神仙定不及寧用流霞杯

七夕宴玄圃各賦五韻

座有顧野王陸瓊褚玠姚察等四人

後主

燄深炎氣少日落夜風清月小看鍼暗雲開見縷明絲
潮聽魚出吹響間蟬聲度更銀燭盡陶暑玉卮盈星津
雖可望詎得似人情

聽箏

雜言

後主

文窓玳瑁影嬋娟香羅翡翠出神仙
足住雲霄欲語

調弦繫爪雁相連秦聲本自楊家解吳歛那知謝傅紫
祗愁芳夜促蘭膏無那煎

小牕詩

後主

顏師古隋遺錄曰煬帝昏酒嘗游吳公宅雞臺忽與
陳後主相遇後主復詩十數篇帝止記小牕及寄侍

見碧玉詩

午醉醒來晚無人夢自驚夕陽如有意偏傍小牕明

寄碧玉詩

後主

離別腸應斷相思骨合銷愁魂若飛散憑仗一相招

戲贈沈后

後主

平陳錄曰沈后者望蔡侯君理女也以張貴妃權寵
動經半年不得御陳主當御沈后處暫入卽還謂后
曰何不見留贈詩云云后答云云

留人不留人不留人也去此處不留人自有留人處

答後主

沈后

誰言不相憶見罷倒一作便成羞情知不肯住教遣一作我

若爲留

甘露降樂遊苑獻詩

新蔡王如齋

蓐收秉素節天地含金商聖德彌三及雲津洽四方願
言沃黍稷何意潤華芳玉屑儲靈藥金莖瀉瓊漿和爲
上方飲千秋萬歲長

遺陳子高團扇詩

陳文帝女

子高年十六容貌艷麗如美婦人陳文帝鎮吳興得
而幸之及佐武帝守京口子高漸長爲東宮日直女
見悅焉喚與通遂絕愛子高書一詩白團扇畫比翼
鳥以遺之

人道團扇如圓月儂道團月不長圓願得炎州無霜色

出入懷袖百千年

陳太廟舞辭

見隋書音樂志詩彙
詩所作周弘讓非

皇祖步兵府君神室凱容舞

於赫皇祖宮牆高疑邁彼厥初成茲峻極綬樂簡簡闕
寢翼翼禔饗若存惟靈靡測

皇祖正員府君神室凱容舞

昭哉上德浚彼洪源道光前訓慶流後昆神遊緬邈清
廟斯存以享以祀惟祖惟尊

皇祖懷安府君神室凱容舞

選辰崇饗飾禮嚴敬靡愛牲牢兼馨粢盛明明列祖龍
光遠映肇我王風形斯舞詠

皇高祖安成府君神室凱容舞

道遙積慶德遠昌基永言祖武致享從思九章停列八
舞迴輝靈其降止百福來綏

皇曾祖太常府君神室凱容舞

肇迹帝基義標鴻篆恭惟載德瓊源方闡享薦三清筵
陳四璉增我堂構式敷帝典

皇祖景皇帝神室景德凱容舞

皇祖執德長發其祥顯仁藏用懷道韜光寧斯閱寢合
此蕭薌永昭貽厥還符蔭商

皇考高祖武皇帝神室武德舞

杰哉聖祖撫運升離道周經緯功格玄祇方軒邁扈比
舜陵媿緝熙是詠欽明在斯雲雷遊屯圖南共舉大定
揚慶宏威衝楚國與宅心九疇還叙景星出翼非雲入
昌德暢容辭慶昭羽綴於穆清廟載揚徽烈嘉玉旣陳
豐盛斯潔是將是享鴻猷無絕

長安少年行

沈炯

長安好少年，驄馬鐵連錢。陳王裝腦勒，晉后鑄金鞭。步

搖如飛燕，寶劍

一作劍鏢

似舒蓮。去來新市側，遨遊大道邊。

道邊一老翁，顏鬢如衰蓬。自言居

一作生

漢世，少小見豪

雄。五侯俱拜爵，七貴各論功。建章通北闕，複道度南宮。
太后居長樂，天子出回中。玉輦迎飛燕，金山賞鄧通。一

朝復一日，忽見朝市空。扶桑無復海，崑山倒向東。少年

何暇問，頽齡值福終。子孫冥滅盡，鄉閭不復同。淚盡眼

方暗，解傷耳自聾。杖策尋遺老，歌嘯詠悲翁。遭隨各有

遇，非敢訪童蒙。

獨酌謠

雜言

沈炯

獨酌謠獨酌獨長謠智者不我顧愚夫余未要不愚復
不智誰當余見招所以成獨酌一酌傾一瓢生涯本漫
漫神思暫超超再酌矜許史三酌傲松喬頻頻四五酌
不覺歲月霄候爾厭五鼎俄然賤九韶彭殤無異葬夷
齊可謂朝龍蟻非不屈鵬鷃但逍遙寄語號呶侶無乃
太清高

離合詩贈江藻

沈炯

開門枕芳野井上發紅桃林中藤蔦秀木末風雲高屋

室何寥廓至士隱蓬蒿故知人外賞文酒易陶陶友朋
足諧晤又此盛詩騷朗月同攜手良景共含毫樂巴有
妙術言是神仙曹百年肆偃仰一理詎相勞

隋

侍皇太子宴應令

沈君道

副君監撫暇禁苑暫停車水落金沙淺雲高玉葉踈隨
厨白羽駕逐釣紫鱗魚飽德良無已榮陪終宴餘

賦得笛

姚察

作曲是佳人製名由巧匠賜絃時莫並鳳管還相向隨
歌響更發逐舞聲彌亮宛轉度雲窓逶迤出蒲帳長隨
畫堂裏承恩無所讓

遊明慶寺悵然懷古

姚察

地靈居五淨山幽寂四禪月宮臨鏡石花讚繞峯蓮霞
暉間旛影雲氣合爐烟迥松高偃蓋水瀑細分泉含風
萬籟響裊露百花鮮宿昔尋真趣結友亟留連山庭出
蘿蘿澗澗止濯潺湲因斯事薰習便得息攀緣何言遂雲
雨懷此悵悠然徒有南登望會逐東流旋